

Faatulagana o Tui Puipui

Aise ā OuTe Mana'omia ai Tui Puipui I Taimi Eseese?



Aiseā Ou Te Mana'omia ai Tui Puipui?

O tui puipui e matuā saogalemu, aogā ma o se auala faigofie e puipuia ai oe mai i faama'i e mafai ona 'alofia. E fautuaina le faia o tui mo tagata uma i tulaga eseese o le olaga, mai i tamaiti lāiti i tagata matutua.

O le faia o tui puipui e lē gata e puipuia ai oe ae e fesoasoani fo'i e taofia ai le pepesi o faama'i i isi o ē e ono matuā mama'i pe afai e latou te pesia ai e pei o tagata matutua, fafine ma'itaga, tagata e iai ma'i tumau o le soifua mālōlōina ma tamaiti lāiti lava. E fautuaina le faia o tui puipui e fua i ou tausaga ma tulaga tau soifua mālōlōina po o le talafaasolopito tau soifua mālōlōina ma e ono mana'omia mo femalagaa'iga, galuega, tausiga o tamaiti po o le a'oga.

Aiseā E Mana'omia ai Nisi Tui Puipui le Toe Faia o Nisi Tui po o Tui Faaopoopo Pe a Mavae Atu Sina Taimi?

O tui puipui ta'itasi ua fuafuaina ina ia saunia se puipuiga malosi faasaga i nisi o virusi po o siama patino e lāiti ia aafiaga ae e tele aogā. Ina ia ausia lenei tulaga, e eseese faatulagana o tui puipui ma tui faaopoopo e mana'omia ina ia faatumauina ai le puipuiga.

O nisi tui puipui, e pei o tui o le fulū ma tui o le KOVITI-19, e mana'omia ona faafou i taimi uma ina ia fetai ma virusi pito i sili ona taatele ma le mata'utia. O nisi tagata, e pei o fafine ma'itaga po o ē e vaivai le malosiaga e tetee atu ai i faama'i, e ono mana'omia nisi tui faaopoopo ina ia tumau ai pea le puipuiga.

O lē Fea Tui Puipui Ou Te Mana'omia?

Talanoa atu i lau tausaga soifua mālōlōina po o lau foma'i talavai ina ia iloa po o ā tui puipui e fautuaina mo oe ma sui o lou aiga. O nisi nei o tui puipui e pito sili ona taatele:

Tui puipui o le Fulū: E tatau ona fai lou tui lenei i tausaga uma, aemaise lavai le vaitau o le tau e afu ai mea, ina ia faaititia ai le lamatiaga o le maua i le fulū. Pe afai ua 65 ou tausaga pe sili atu, talosaga i lau tausaga soifua e faatatau i tui puipui o le fulū e malosi atu.

Tui Puipui o le KOVITI-19: O lenei tui puipui e faafou ma i lea taimi i lea taimi ina ia puipuia ai faasaga i vaega lata mai o le virusi. O i latou uma e 6 masina ma matutua atu e fautuaina ia fai se tui e 1o le tui fou o le tui puipui o le KOVITI-19.



Samoa



COUNTY OF LOS ANGELES
Public Health

Faatulagana o Tui Puipui

Aiseā Ou Te Mana'omia ai Tui Puipui I Taimi Eseese?



Tui Puipui o le Nimonía: Puipui faasaga i le tele o ituaiga o siama nimonía lea e mafai ona māfua ai le matuā pepesi i tamaiti ma tagata matutua. E fautuaina le faia o tui e 4 o tamaiti a o le'i atoa le 5 tausaga. Mo tamaiti matutua ma tagata matutua, fai e pei ona faatonuina.

Tui Puipui o le Tanesusu: E lua tui e ave i tamaiti ma e fautuaina fo'i mo i latou ua ova atu ma le 13 tausaga e le'i maua lava i le tanesusu.

Tui Puipui o le Atiloto (Shingles): O lenei tui puipui e faalua ona fai ina ia puipuia ai mai le atiloto mo tagata matutua, e tatau ona lua i le ono masina le va mo le puipuiga sili. E fautuaina mo tagata matutua ua 50 tausaga le matutua ma sili atu, e tusa lava pe na maua muamua i le tanesusu. Talanoa atu i lau tausi soifua pe afai ua uma ona fai lou tui e tasi o le tui puipui o le Zoster.

Tui Puipui o le Tdap: O le tui e tasi o lenei tui puipui e puipuia ai mai i le tetanus, lipi (diphtheria) ma le tale tutu'i (whooping cough). E te ono mana'omia se tui faapoopo i tausaga ta'i 10 uma.

Tui Puipui o le RSV: Mo tagata ua 60 tausaga ma sili atu, e tasi le tui e puipui ai mai i le vairusi e aafia ai le manava (RSV). O pepe meamea ma tamaiti lāiti e ono agavaa fo'i mo le puipuiga faapoopo faasaga i le RSV. Talanoa atu i lau tausi soifua mālōlōina ina ia iloa ai mea e latou te fautuaina.

Tui Puipui o le Hepatitis B (Ate Fefete Ituaiga o le B): E lua tui pe tolu fo'i e ono fautuaina mo tagata uma, o i latou ua 60 tausaga le matutua pe sili atu e tatau ona talanoa i a latou tausi soifua mālōlōina e faataata i le mauaina o lenei tui puipui.

Ina ia iloa po o ā tui puipui e te mana'omia po ua e mana'omia ni tui faapoopo, ia fesili atu i lau tausi soifua mālōlōina. Mo se lisi o tui puipui ua fautuaina, taga'i i le: <https://www.cdc.gov/vaccines>.



Ofisa Autū o le Soifua Mālōlōina

Mo nisi faamatalaga, e tatala le Ofisa Autū o le Soifua Mālōlōina mai i le 8 a.m. i le 8 p.m. fitu aso o le vaiaso i le **1-833-540-0473**.



Los Angeles County Department of Public Health

ph.lacounty.gov/vaccines

Vaccine Schedules 10/20/23

Samoan



COUNTY OF LOS ANGELES
Public Health